

Protocol da la radunanza da la società da musica Ftan dals 26 october 2018

Nos president Jonpitschen Caprez riva la radunanza generala a las 19:30 aint il Hotel Bellavista. 22 comembers sun da la partida. S-chüsads as han: Larissa Bott, Marco Stecher

Ils comembers han survgni l'invid cun seguaintas tractandas:

1. Salüd
2. Far bun il protocol da lultima radunanza generala dals 3 november 2017
3. Rapport dal president
4. Rapport dal schef da material
5. Rapport dal dirigent
6. Rendaquint/rapport dals revisurs da quint e dar dis-scharg a la suprastanza
7. Decisiun festa chantunala Arosa 21 – 23 da gün 2019
8. Augmaint cuntribuziuna annuala
9. Budget
10. Nouve comembers e demischiuns
11. Fixar import scoula da musica giuvenils 2018/2019
12. Elecziuns: Vicepresident: reelecziun
Chef da material: reelecziun
Dirigent: reelecziun 1 on
Vice dirigent: reelecziun 1 on
1 revisur da quint: reelecziun
1 cumischiun da musica
13. Participaziun prouvas da musica
14. Orientaziuns
15. Varia

Far bun il protocol dals 3 november 2017

Il protocol da la radunanza generala dals 3 november 2017 vain approvà unanimamaing.

Rapports dal president e dal dirigent vair agiunta

Rapport dal president: vair agiunta

Rapport dal schef da material: Riet füss cuntaint sch'el vain orientà sur da müdamaints vi dad unifuormas. Per nouve musicants giuvens es da far unifuormas impustüt per ir a la feista chatunala ad Arosa. Eir schi fa dabsögn da furclettas cuort avant üna feista schi dessat dir quai! Eir instrumaints laraja.

Rapport dal dirigent: vair agiunta,

Partecipaziun da provas:

1. Clà Denoth
2. Manuela Nuotclà , Silvia Vonlanthen, Arno Nuotclà

Dals giuvenils ha tut part Emilia Stuppan a las plü bleras provas.

Els survegnian ün bun per mangiar pizza.

Rendaquint/Rapport dals revisurs da quint

Il revisur Armon cumprova il quint ch'el saja bain manà e propuonan a la radunanza da dar dis-charg a Manuela per seis bun lavur. Manuela orientescha sur dal quint, puncts importants: per la chamonna da musica esa gnü trat aint 2 büschens vöds. Quels han cuostü intuorn 6milla francs. Unifuormas da var 7milla francs sun planisadas (posauna da bass per Tönett & unifuormas). Id es planisà üna perdita da 22'960 francs. La radunanza da unanim dis-charg a la chaschiera ed eir a la suprastanza.

Feista chantunala ad Arosa:

21-23 da gün 2019, la suprastanza es da l'avis unanimesa dad ir a quista feista. La proposta es dad ir in 4. categoria. Armon es fich positiv per ir. Rolf fa attent cha dal 2020 saja a Zernez la feista districtuala. El metta ün pa in dumonda scha no lain ans sforzar per quai. (minch'on üna feista). Jon Armon argumentescha cun quella jada cha no d'eiran a Leutkirch. Eir là vaina stuvü tour part a duos occurenzas. Jon Armon manaja cha musicalmaing eschan no capabels da tour part a duos feistas. Il toc da gara/lezia daina man lura davo il concert.

15 comembers sun per ir, 5 retgnentschas, 1a cuntravusch

Budget

Il budget prevezza 8milla francs sortidas sco unifuormas per giuvenis. Eir la feista ad Arosa serà ün grond import. Ustaria da Schüschaiver nun es sgüra cha no survgnin davo duos ons. Forsa survegn eir ün'otra società.

Quist vain acceptà sco propuonü da la suprastanza.

Dozar la contribuziun dal comembers

Da 25 francs sün 30 francs

Tuots sun daperüna da dozar sün 30 francs

Manuela fa attent da pajar aint per ebanking sur l'IBAN ch'ella ha miss pro pro l'invid.

Nouvs comembers/demischiuns

Demischiuns: Eduard Lehner, el siglia aint scha no til dovrain urgaint. Ma inschinà plü jent na. Laurin Caprez e Dea Caprez vegnian tuts sü i nossa società cun grond plaschair. Giuvenils sco Gian Luca Schucany, Adrian Stuppan, Lorena Nuotclà, Rezia Stuppan ed Arina Carpanetti seran eir da la partida.

Fixar l'import à la scoula da musica juvenils 2017/2018

Laschar sco fin quà, Fr. 300.- l'on per prinziplant vegnian surtuts da la società d'urant ils prüms duos ons.

Elezziuns

Vice president: Fadri Caprez es pront da far inavant

Chef da material: Riet fa eir inavant

Jon Armon: es eir pront da far inavant

Vice dirigent eschan in tschercha, Jon Armon fa attent sch'id es giuvenis chi han interess da far ün cuors schi fich jent. Dimena reista quist post vacant.

Tuot las elezziuns vegnian surtuttas sco preschantadas

Revisur da quint: Joannes fa quai jent inavant sco fin uossa

Cumischiun da musica: Fadri Caprez vegn elet inavant

Orientaziuns

Contriuziun dal cumün da Scuol: Cun quai cha no vain üna ter facultà pretenda il cumün ün post separà aint la bilantscha chi muossa sü cha quels raps vegnian sgürats sco reserva per eventualas unifuormas o instrumaints. Els vöglian verer üna reserva chi resultescha aint la bilantscha. Per mincha occurenza pel turissem as poja para dar aint pro il cumün da tschüffer üna contribuziun. Ün votant manaja da discuorrer üna jada eir cun tschellas societàds nüglia be musicas sco ch'els vezzan quai. El suppuona chi saja forsa eir ün pa l'interess da verer aint in nossas finanzas.

Reservaziun da l'hotel Arosa: Jonpitschen fa attent ch'ild es da reservar l'hotel Home cun 3 stailas protemp. Ils cuosts sun pro tuot i'ls hotels listess.

Varia

Sunar la batteria: Severin Lehner ha confirmà ch'el saja pront da güdar a no cun sunar la batteria, per el vaja pero be d'urant la fin d'eivna, magari la sonda.

Veterans: Rolf fa attent chi saja da pajar per 22 veterans la contribuziun da 10 francs.

I füss da prouvar dad onurar ils veterans Eduard Lehner (50 ons), ün da sa seis figls (?), Clà Denoth (50ons) a listess mumaint. Scha pussibel per la feista districtuala a Zernez dal 2020. Quist es aint ils mans da Rolf in quel mumaint ch'el trametta aint quai

(Jonarmon) Integrar ils juvenils plü bod aint la musica da Ftan: Arina Carpanetti, Gianluca Schucany, Rezia Stuppan, Lorena Nuotclà ed Adrian Stuppan.

Niculin: ils prossems duos ons nu serà'l a musica,

Arno: renovar üna jada las adressas dad email, tuots nun han survgni. Jon Armon guarda per quistas datas.

Als 10 da favrer esa marchà a Ftan, Silvia fa la proposta da far ün lotto! L'idea es buna, ün votant manaja da far quai in november.

Pervi da Schüschaiver stuvaina tour sü contact cul cumün pervi da quista feista. Nos interess füss natüralmaing quia. Quist evenimaint es da üna buna entrada.